

**VIDEO**

MEĐUNARODNI DAN PISMENOSTI: ŠTA PODRAZUMIJEVA PISMENOST, ČITAMO LI KNJIGE I KAKO DOBIJAMO INFORMACIJE?

8 sep | 23:10

Danas je Međunarodni dan pismenosti.

Dan na koji se promovira značaj učenja i pismenosti Bosna i Hercegovina je dočekala s najvišom stopom nepismenosti u regiji, 2,8 posto.

Nepismenost i danas predstavlja veliki problem bh. društva čijem se rješenju, smatraju stručnjaci, u budućnosti treba ozbiljnije posvetiti.

Za smanjenje procenta nepismenosti važno je sveobuhvatno obrazovanje, jačanje kulture pismenosti i rad na sebi, saopćeno je iz Instituta za jezik u Sarajevu.

Ne slučajno, upravo na Međunarodni dan pismenosti Univerzitet u Sarajevu organizirao je Nacionalni dan svjesnosti o bibliotekama.

Tim povodom u gotovo 50 biblioteka organizirane su aktivnosti kojima je cilj privući što više korisnika i pokazati im da, kako kažu, biblioteke nisu magacini, nisu skladišta knjiga, već kuće u kojima mogu pronaći odgovore na sva svoja pitanja i u kojima mogu ostvariti i svoje naizgled neostvarive ideje i zamisli.

(Hayat/Foto:Screenshot)

